



Berpengaruh DENGAN KEBAIKAN

DOA

MEMBALAS KEBAIKAN

جَزَاكَ اللهُ خَيْرًا

MAKSUDNYA:

"Semoga Allah membalasmu dengan kebaikan." (Riwayat Muslim)

Siapa orang yang baik? Apa ukuran untuk menjadi yang baik? Ya, berulang kali Allah mengulang-ulang dalam kalam-Nya. Allah suka kepada orang yang berbuat kebaikan. Subhanallah. Tiada yang lebih membahagiakan melainkan Allah memilih kita sebagai hamba yang disukai-Nya dan menjadi hamba yang baik.

DIPENGARUH ATAU MEMPENGARUHI?

Hidup ini ada dua, sama ada dipengaruhi atau mempengaruhi. Kerana hidup ini bukan bersendirian, sebaliknya berjemaah. Terus, jadilah individu yang mempengaruhi kebaikan dan dipengaruhi juga dengan kebaikan. Itulah yang terbaik.

Bijaklah berkawan. Pilihlah kawan yang mampu merencana diri ke arah lapangan kebaikan. Bukankah sesiapa yang menunjukkan kebaikan akan dikurniakan balasan kebaikan yang sama, bahkan tidak dikurangi sedikit pun.

Ingatlah janji Allah. "Sesiapa yang

mengerjakan kebaikan walaupun seberat zarah, maka dia akan melihat balasan kebajikannya. Dan sesiapa yang mengerjakan kejahatan walaupun seberat zarah, maka dia akan melihat balasan kebajikannya." (*Surah al-Zalzalah* 99: 6-7)

Jika tidak mempengaruhi yang baik, kita akan dipengaruhi yang buruk. Memang itu sahaja pilihan yang ada. Jadi, berlumba-lumbalah memberi dan mencari kebaikan. Ayuh, berbuatlah kebaikan kerana kejahatan akan terhapus dengannya.

MEMILIH KEBAIKAN

Terlalu banyak kebaikan yang dicintai Allah. Itulah beza Allah yang



WAN NOR ZADILAH
WAN MOHAMAD

B.A. Bahasa Arab &
Komunikasi, Universiti
Sains Islam Malaysia

facebook.com / Wardah Safiah

Terlalu banyak kebaikan yang dicintai Allah. Itulah beza Allah yang tidak memilih-milih kebaikan. Setiap yang diusaha walaupun kecil dan mungkin hanya biasa pada pandangan manusia, namun punyanilaian yang tinggi di sisi-Nya

tidak memilih-milih kebaikan. Setiap yang diusaha walaupun kecil dan mungkin hanya biasa pada pandangan manusia, namun punya nilai yang tinggi di sisi-Nya.

Sudahkah kita bersungguh-sungguh membuat kebaikan? Lihat sahaja salah satu tuntutan dalam al-Quran iaitu menyebar salam. Barangkali nampak biasa pada kita, namun adakah sudah sebati tuntutan itu? Sudahkah salam menjadi aksesori akhlak kita setiap masa? Jika mudah, sepatutnya kita tidak kalah dengan apa yang diperintahkan.

Nah, bukannya tuntutan salam itu juga perlu disebar luas kepada teman yang kita kenali dan juga tidak dikenali? Salam menjadi lebih mesra apabila seiring dengan bermanis muka. Itu sudah menjadi salah satu kebaikan yang dicintai Allah.

Terlalu banyak bentuk kebaikan yang boleh diusahakan. Ayuh semak.

BENTUK-BENTUK KEBAIKAN

Rasulullah: "Kebajikan ialah akhlak yang baik manakala dosa ialah apa yang mengganggu jiwa kamu, sedang kamu tidak suka manusia mengetahuinya." (Riwayat Muslim)

Rasulullah s.a.w.: "Malu tidak mendatangkan suatu hasil pun melainkan kebaikan." (Riwayat al-Bukhari dan Muslim)

Rasulullah s.a.w.: "Daripada kebaikan Islam sesorang ialah meninggalkan sesuatu yang tidak bermanfaat kepadanya." (Riwayat Tirmizil)

Firman Allah: "Dan sesiapa yang menahan amarah dan memaafkan (kesalahan) orang. Allah menyukai orang yang berbuat kebajikan. (Surah Ali Imran 3: 134)

PENGARUH TERBAIK

Sungguh, untuk membuat kebaikan itu juga memerlukan pengaruh yang kuat. Bagaimana mahu membina pengaruh dan siapa pula yang menjadi *super* untuk mempengaruhi orang lain? Jawapannya mudah. Rasulullah s.a.w. merupakan *super* dalam membawa

pengaruh merentasi seluruh peredaran masa. Dan cara membina pengaruh itu pula dengan berakhlak seperti Nabi Muhammad!

Rasulullah menjadi ikutan kerana kemuliaan dan kesempurnaan akhlak Baginda. Bahkan sirah ada menyebut kerana kecantikan peribadi Baginda sama ada kepada kawan mahupun lawan, di situlah dakwah tersebar.

Yang memuliakan anak yatim, yang terlebih dahulu memberi salam meski kepada anak kecil, yang sering tersenyum indah, yang sering menghargai masa dan banyak lagi keperibadian indah yang membina dan membawa pengaruh yang baik... itulah Rasulullah!

Jadi, mengikut jalan Nabi bermakna memilih pengaruh yang mendekatkan diri kepada Ilahi. Sama-sama usaha! **Q**

REFLEKSI VIP:

MENJADI MUKMIN BERPENGARUH

Banyak tip menjadi individu yang berpengaruh dan secara tidak langsung menjadi penarik hubungan sesama insan. Sama-sama praktis dan jadikannya konsisten.

SEMAK PANTAS

SENYUM	X/✓
BANYAKKAN BERSEDEKAH. Bukti sayang itu dengan banyak memberi bukan?	
BERSANGKA BAIK. Sangka buruk itu mengundang dosa dan merosakkan ukhuwah.	
MENUTUP AURAT. Sungguh, penampilan diri menzahir prinsip dan kekuatan dalaman.	

TARGET VIP

MENJADI BAIK ITU BUKAN PILIHAN, SEBALIKNYA KEMESTIAN.